



## ÅRSMELDING FOR ETNE FRIVILLIGSENTRAL

Stifta av Etne kommune, Etne Røde Kors, og Skånevik Sokneråd.

### Styret i 2016:

Terje Hardeland (leiar)  
Randi Ytrenes Evenseneth  
Kitty S Øyjord  
Christian Bull Tornøe

Etne Røde Kors  
Skånevik sokneråd  
Etne kommune  
Frivillig

### Vararepresentantar:

Hilde Høyland  
Brynjulv Hus  
Berit Håland  
Gerd Tungesvik

Etne kommune  
Skånevik sokneråd  
Etne Røde Kors  
Frivillig

### Dagleg leiar

Løn og Rekneskap  
Revisjon

Jimmy Næs  
Tveit Regnskap  
Torvaldsen og Stave

### Idè

Frivilligsentralen har som mål å stimulera til auka frivillig aktivitet, og ta vare på og utvikla det organiserte og uorganiserte frivillige arbeidet i Etne kommune.

Frivilligsentralen yter ikkje tenester i konkurranse med yrkesutøvarar. Sentralen er heller ikkje ei erstatning for offentlege tenestetilbod, men eit supplement til etablerte hjelpetenester.

### Drift

Styret hadde i 2016 sju styremøte, og behandla 24 saker.

Dagleg leiar deltok på nettverkssamlingar som nettverksleiar, fylkes- og organisasjonssamlingar, og konferansar. Sentralen var også representert på regionskonferansen.

Frivilligsentralen har omlag 80 frivillige, lojale og flinke personar. I hovudsak er dette seniorar. Nyrekruttering og fornying er alltid ei utfordring. Sentralen har eit godt samarbeid med Etne Røde Kors, Kyrkja i Etne og kommunal tenesteyting, i tillegg til nokre andre lag. Vi arbeider stadig med å utvida samarbeidet, og etablerte i 2016 samarbeid med m.a. Seniordans og videoklubben.

Sentralen foretok opp-pussing av ståvo (salongen), og kjøpte nye møbler.

### Økonomi

Frivilligsentralen har kontroll på økonomien, og er svært glad for tilskotet frå Etne kommune, som gir oss eit trygt fundament. Tilskot til drifta blir dekkja av stat og kommune, og er no på eit tilfredsstillande nivå. Frå 2017 blir tilskotsordningane lagt om, og vi hadde viktige drøftingar med Etne kommune om dette.

Vi har eigne retningsliner for korleis sponsormidlar skal nyttast, og hadde stabile, gode sponsorar for aktivitetar i 2016, i alt 9 sponsorar. Dette er flott! Vi har også motteke tilsagn på midlar frå Gjensidigestiftinga - til ungdomsklubb i Etne, og den kulturelle spaserstokken har ytt tilskot til aktivitetar.

### **Aktivitetar**

Frivilligsentralen leiger lokaler ved Etne Bustadskiping. Her har vi faste aktivitetar, i tillegg til at vi har framleige til Etne kommune, og leiger ut til einskild-arrangement. Vi har også faste aktivitetar ved Etne og Skånevik omsorgsenter, og på Enge skule. Vi har fast kontorstad i Etne, og faste kontordagar i Skånevik. Vi har dei siste 2 åra arbeidd systematisk med å utvikle samarbeidet med andre frivillige lag i kommunen, og med andre aktuelle aktørar.

#### **Ettermiddagskaffi**

Dette er ein vel etablert aktivitet på "Ståvo", kvar måndag ettermiddag, med kaffi og drøs, og små kulturelle innslag. Tilsvarande arrangement har vi i Skånevik, etter oppsett plan.

#### **Middag på "Ståvo"**

Fellesmiddag kvar tysdag, med frivillig vertskap. Eit fint sosial fellesskap, med aukande deltaking..

#### **Sitjedans**

Sitjedansen kom i gang att, med god hjelp av Seniordans i Etne. Denne seniortrimmen har utvikla seg svært godt, og vi er glad for det nye samarbeidet.

#### **Leksehjelp**

Leksehjelp har dei siste åra vore ein aktivitet for 5.-7. klassetrinn på Enge skule, og har vore ein av våre faste aktivitetar, også i 2016.

#### **Allsong/gladsong**

Ein gong kvar månad er det allsong-kveld - i Etne og i Skånevik - på omsorgsenteret. Frivillige songarar og spelemenn lagar trivsel for brukarar og gjester.

#### **Følgehjelp**

Personar som treng nokon til følgja dei til lege, frisør, kino, eller andre stader, vender seg til frivilligsentralen. Dette er ein viktig del av ein trygg kvardag, særleg for eldre menneske. Vi har trufaste hjelparar i både Skånevik og Etne.

#### **Besøksvenn/turvenn**

Besøksvenner og turvenner er etterspurt. Vi har nokre trufaste frivillige som er aktive. Mange som er åleine, treng nokon å ha lag med. Vi er glade for at fleire besøksvenner har meldt seg, og har hatt eit fint samarbeid med Røde Kors og Skånevik Sokneråd.

#### **Rusleturen**

Rusleturen er blitt eit fast innslag i bygdebiletet i Etne, der frivillige tek med seg eldre - for det meste rullestol-brukarar - på tur. Dette er eit populært tiltak. I

sesongåpninga arrangerer vi denne store rusledagen, i samarbeid med Røde Kors, Lions, og Enge Skule.

### **Elektrisk Rickshaw-sykkel**

Også i 2016 fekk vi hjelp av Gjensidige-stiftinga. Taxi-sykkelen har vore brukt til å kjøre tur med dei som treng skyss. Førebels er det litt få frivillige her, men vi håpar å rette på det.

### **Torsdagskafè**

Første halvdel av 2016 arrangerte vi torsdagskafè, ein møteplass mellom Etnebuar og flyktningar. Her vart det servert mat frå ulike nasjonalitetar, kultur- og faginnslag.

### **Frivilligdagen**

2016 var 4. gang vi markerte frivilligdagen, der dei frivillige blei inviterte til fest, og sett pris på; med mat, drøs og underhaldning. Ordføraren var tilstades på markeringa, også i år. Eit vellukka tiltak, som også dette året blei arrangert på Røde Kors-huset, og med god hjelp av Røde Kors.

### **Torsdagstrim**

Torsdagstrim for seniorar starta opp på hausten 2016. Dette er ei sjølvstyrt gruppe, som har trim etter rettleiing av fysioterapeut. Aktiviteten er på ståvo.

### **Turar**

Vi arrangerte tur til "Frukost på fjorden" på forsommaren, i samarbeid med Etne Event. Ilag med Bømlo frivilligsentral arrangerte vi tur til Kypros, med frivillig vertskap. I august arrangerte vi tur til Ulvik, og Olav H Hauge-senteret, med hjelp av den kulturelle spasèstokken. I tillegg hadde vi vår årlege julemiddag i desember, på Åkrafjordtunet.

### **Kara-prat**

Kara-praten starta vi i Skånevik - på Omsorgsenteret - hausten 2016, ein møteplass for menn, med ønskje om å koma saman. Kara-praten er eit høgdepunkt for karane.

## **Samarbeid med andre**

Sentralen har lenge samarbeidd med Etne Røde Kors, Kyrkja i Etne, Etne Husflidlag, Eldrerådet, og kommunal tenesteyting. Det er eit mål å utvikla slikt samarbeid vidare. I tillegg til flott samarbeid med Seniordans, har Videoklubben fått klubblokale hjå oss. Vi har etablert kontakt med Etne Idrettslag, med tanke på å utvikle tilbod til ungdom. Vi har fått tilsagn om midlar frå Gjensidigestiftinga til dette.

## **Etne Røde Kors**

Røde kors er ein god samarbeidspartner. Dei har faste kaffistunder på Ståvo, i tillegg til at dei bidrar på Frivilligdagen.

## **Etne Kommune**

Etne kommune er ein viktig samarbeidspartner. I tillegg til at Etne kommune er ein viktig økonomisk bidragsytar, samarbeider vi med skulen, flyktningtenesta, biblioteket, SLT, helsetenesta, omsorgssentera og avdeling for psykisk helse.

### **Psykisk helse**

Frivilligsentralen har framleige av lokaler til dagsenteret. I tillegg er det frivillige med på dagsamlingane deira, samt at ein frivillig er fast sjåfør for utfluktene deira. Vi har eigne samarbeidsmøte. Vi har teke initiativ til å utvikle dette samarbeidet, og i 2016 arrangerte vi sommarfest ilag.

### **Følgehjelp og turvenner**

Etne og Skånevik omsorgsenter, og helseavdeling ved kommunen, tek kontakt når det oppstår trong for følgehjelparar og besøksvenner. Dette er eit viktig samspel, ettersom kommunen sine brukarar ofte er mottakarar av tilleggssyningar levert av frivillige.

### **Hjelp til flyktingar**

Etne kommune tek imot flyktingar. Desse har brukt frivilligsentralen sine lokale, mellom anna til matlaging. Vi har tett kontakt, og prøver å bidra med aktivitetar.

### **Helse**

Vi har jevnleg kontakt med folk på helseavdelinga, og drøftar mogleg tiltak for personar med nedsett funksjonsevne. Vi deltar også i arbeidsgruppe for alvorleg sjuke.

### **Matombering**

Frivilligsentralen syter for matombering i Etne, for tida med 3 dagar i veka. Målet er å avlasta omsorgsavdelinga, og såleis oppnå meir omsorg, og på sikt tilby våre sosiale møteplassar til fleire.

### **Friluft**

Frivilligsentralen deltar i ei arbeidsgruppe, for å få på plass turkart for Etne.

### **Biblioteket**

I samarbeid med Etne Bibliotek arrangerte vi Etne-meisterskap i sjakk.

### **SLT**

SLT er blitt ein god samarbeidspartner, mellom anna i utvikling av ungdomstilbod. I 2016 samarbeidde vi også om ein konferanse om radikaliseringsarbeid, og frivillige sin rolle i integreringsarbeid.

### **Etne husflidlag**

Husflidlaget brukar frivilligsentralen sine lokaler vederlagsfritt, og har fast strikkekafè, eit populært tiltak for mange.

### **Kyrkja i Etne**

Diakonitenesta brukar frivilligsentralen sine lokaler vederlagsfritt, og har fast andakt kvar 14. dag.

### **Kulturnatt**

Frivilligsentralen er samarbeidspartner for kulturnatt Etne. Arrangementet er i februar månad, og mobiliserer frivillige kulturkrefter i bygda, med aktivitetar i ymse arenaer, spreidd rundt i Etnebygda. Årets kulturnatt vart ein knallsuksess, med god omtale.

### **Fotoklubben**

Fotoklubben arrangerer klubbkveldar i våre lokaler. Vi håpar å kunne utvikle dette til å omfatte tilbod av ymse slag.

Etne, 28.02.17

Jimmy Næs